

Kristo Atakapokuja Ujira Wake Utakuwa Pamoja Naye,

Unihukumu kwa haki yako, Ee BWANA Mungu wangu. Zaburi 35:25.

Wakati mfalme alipokuja kuwatazama wageni, tabia zao halisi wote zilifunuliwa. Maana kila mgeni katika sherehe ile alikuwa amepewa vazi la harusi. Vazi hili ilikuwa ni zawadi kutoka kwa mfalme. Kwa kuvaa vazi hilo wageni walionesha heshima kwa muandaaji wa sherehe. Lakini mtu mmoja alikuwa amevalia mavazi yake ya kawaida ya kiraia. Alikuwa amekataa kufanya maandalizi yaliyotakiwa na mfalme. Vazi lililoandaliwa kwa ajili yake kwa gharama kubwa hakulivaa. Hivyo alimtukana bwana wake. Kwa swali la mfalme, “Uliingaje humu nawe huna vazi la arusi?” hakuwa na jibu. Alijilaumu. Kisha mfalme akasema “Mfungeni mikono na miguu, mchukueni mkamtupe katika giza la nje.”

Tukio la mfalme kuchunguza wageni katika sherehe linawakilisha kazi ya hukumu. Wageni katika sherehe ya injili ni wale wanaokiri kuwa watumishi wa Mungu, wale ambao majina yao yameandikwa katika kitabu cha uzima. Lakini si wote wanaokiri kuwa Wakristo ni wanafunzi wa kweli. Kabla thawabu ya mwisho haijatolewa, uamuzi utatolewa kwamba ni akina nani wanafaa kushiriki urithi wa watakatifu. Uamuzi huu unatakiwa kufanywa kabla ya ujio wa Kristo wa mara ya pili mawinguni; maana Atakapokuja, ujira Wake utakuwa pamoja Naye, “kumlipa kila mtu kama kazi yake ilivyo.” Kabla ya ujio wake basi, sifa kazi ya kila mmoja itaamuliwa na thawabu itatolewa kwa kila mfuasi wa Kristo kulingana na matendo yake.

Ni wakati wanadamu wanapoendelea kuishi duniani ndipo kazi ya hukumu ya upelelezi inaendelea katika nyua za mbinguni. Maisha ya wale wote wanaodai kuwa wafuasi Wake yanapitishwa mbele za Mungu. Wote wanachunguzwa kulingana na kumbukumbu za vitabu vya mbinguni, na kulingana na matendo yao hatima yao inaamuliwa milele.

Vazi la arusi katika kisa hiki linawakilisha tabia safi, isiyo na waa watakayokuwa nayo wafuasi wa kweli wa Kristo. Kanisa limepewa “kuvikwa kitani nzuri, ing’arayo, safi,” “lisilo na hila wala kunyanzi wala lolote kama hayo.” Kitani nzuri isemwayo katika Maandiko, “ni matendo ya haki ya watakatifu.” Ni haki ya Kristo, tabia Yake mwenyewe isiyo na waa, ambayo kwa njia ya imani inatolewa kwa wale wote wanaompokea kama Mwokozi wao binafsi ... Kuvikwa huku, vazi la haki Yake Mwenyewe, Kristo atamvika kila mtu atubuye na kuamini.

(Christ's Objects Lessons, 309-311)